



*Le scenar dla lüsa alta se é sposté tratan l'ultim fin dl'edma a Funes sön la pista "Ranuier Rungg", ulach al é gnü tigní in campionac taliagn.*

Funes – I campionac taliagn é uramai n apuntamënt tradizional dl sport dla lüsa alta. In chësc ann é la seziun dla lüsa da Funes che s'à tut sö l'impëgn de organisé la competiziun. Les temperatüres frëides ne ti à fat degüna tēma ai atlec, che s'á presenté al start cun determinaziun por se davagné le titul nazional.

Protagonist dl evënt y plö asvelt dl de é le jonn atlet da Lijun Roman Kaser, che dominëia la pista mostran sö le tēmp de 2'00.87. Le campiun talian da l'ann denant, l' atlet Diego Tschaffert da La Val, mëss s'acontenté cun le 6. post assolut, mostran sö le tēmp de 2'03.43. Na bela sodesfaziun se tol l'atlet Alex Ploner, che röia al travert cun le tēmp de 2'03.84 y se posizionëia al 8. post absolut.

Na bela sodesfaziun pó se tó l'atleta da Lungiarü Nagler Luisa, ruvan a pié do la medaia de brom tla tlassifica assoluta dles ëres (2'09.83). La plö asvelta é chiló Theresa Hilpold da Pfeffersberg, che defënn le titul talian cun le tēmp de 2'06.85.

En ocasiun éle ince gnü tigní i campionac taliagn di jogn, daulache plö jogn talënc ladins á podü tra le salt sön podest: pro la categoria U-12 di mituns é le jonn atlet da La Val Matthias Moling che à la miú te söa categoria, Ties Michael rüva chilò al travert cun le 6. miú tēmp. Pro la medema categoria dles mitans ti va l' or cun gran sodesfaziun a Lara Peccei da La Val.

Tla categoria di mituns sot i catordesc agn se posizionëia l'atlet Frenes Oliver da La Val al buniscimo 3 post, Brunner Philipp al 5. post y Frenademez Rafael al 7. post. ,Tla medema categoria dles mitans fej Miribung Elena le 5. post y Campej Miriam le 7. post.

Sëgn á i atlec na picia palsa, denant che ara jarà inant cun i campionac europeics, metüs a jì tratan le fin dl'edema dai 08 ai 10 de furà dal'Uniun dl Sport La Val en colaboraziun cun Lungiarü.

I plazaměnc dla pröma gara de SÜdtirolcup: [risultati](#)